



ԵԿԵՂԵՑԱԿԱՆ ԲԵՄ. ԼՈՒՐԵՐ

Սեպտեմբերի 3-ին, չորեքշաբթի.—Այսօր Բյուրականի «Հայկաջեն» Հայրապետական ամառանոցում, Վեհափառ Հայրապետի նախագահությամբ, տեղի ունեցավ արեղա հայրերի հավաքույթ:

*
* *

Սեպտեմբերի 7-ին, կիրակի.—Այսօր Մայր տաճարում, Ավագ ս. սեղանի վրա, ս. պատարագ մատուցեց Տ. Շնորհք արեղա Բաղդասարյանը և «Հայր մեր»-ից առաջ քարոզ խոսեց՝ «Հավատամք ի մի Աստուած. ի Հայրըն ամենակալ, յարարիչն երկնի և երկրի» (Հանգանակ Նիկիական) բնաբանով:

Ս. պատարագին ներկա էր Վեհափառ Հայրապետը:

*
* *

Սեպտեմբերի 10-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի ունեցավ միաբանական հավաքույթ:

*
* *

Սեպտեմբերի 14-ին, կիրակի.—Խաչվե-
րաց:

Այսօր Մայր տաճարում, օրվա մեծ տոնի առթիվ, հանդիսավոր ս. պատարագ մատուցեց ուխտավորաբար Մայր Աթոռում գտնվող Արգենտինայի հայոց թեմի առաջնորդ

գերաշնորհ Տ. Գրիգորիս եպս. Բունիայանը և «Հայր մեր»-ից առաջ քարոզ խոսեց՝ «Այլ ինձ քաւ լիցի պարծել, բայց միայն ի խաչն Տեառն մերոյ Յիսուսի Քրիստոսի» (Գաղ. 2 14) բնաբանով (տես էջ 35):

Ս. պատարագին ներկա էր Վեհափառ Հայրապետը:

*
* *

Նույն օրը, երեկոյան ժամը 18.30-ին, կատարվեց «Թափօր Խաչվերացի» ավանդական հանդիսությունը՝ գլխավորությամբ Մայր Աթոռի դիվանապետ Տ. Ներսես եպիսկոպոս Պոպապայանի:

*
* *

Սեպտեմբերի 15-ին, երկուշաբթի.—Յիշատակ մեռելոց:

Այսօր Մայր տաճարում, Ավագ ս. սեղանի վրա, ս. պատարագ մատուցեց ուխտավորաբար Մայր Աթոռում գտնվող Կոստանդնուպոլսի Հայոց Պատրիարքարանի դիվանապետ Տ. Մեսրոպ ծ. վրդ. Մուրաֆյանը: «Ձկնի սրբոյ պատարագի կատարի Հոգեհանգիստ վասն համօրէն ննջեցելոց»:

*
* *

Սեպտեմբերի 16-ին, երեքշաբթի.—Այսօր, երեկոյան, հոգևոր ճեմարանի հանդիսու-

թյունների դադարեցում տեղի ունեցավ հանդիպում Կ. Պոլսի Հայոց Պատրիարքարանի դիվանապետ Տ. Մեսրոպ ծ. վրդ. Մուրաֆյանի և ուսանողության միջև:

Հանդիպման բացման խոսքով հանդես եկավ ճեմարանի տեսուչ Տ. Եվնիկ քին. Պետրոսյանը՝ ուսանողությանը ներկայացնելով հոգեշնորհի հայր սուրբին:

Ապա, խոսք առնելով, Տ. Մեսրոպ ծ. վրդ. Մուրաֆյանը ուսանողներին ծանոթացրեց Կ. Պոլսի Աթոռի կրոնա-մշակութային ու վարչական գործունեության մասին: Ընդհանուր գծերի մեջ ներկայացրեց Կ. Պոլսի Հայոց Պատրիարքական Աթոռի պատմությունը՝ սկսելով Վրդ. Մեսրոպ ծ. վրդ. Մուրաֆյանից մինչև մեր օրերը, որից հետո սիրով պատասխանեց ուսանողների և ներկայների հարցերին:

Հանդիպումն անցավ ջերմ և սիրովոր մթնոլորտում:

* * *

Սեպտեմբերի 19-ին, ուրբաթ.—Այսօր Մայր Աթոռ Ս. Էջմիածին ժամանեց Կոստանդնուպոլսի Հայոց Պատրիարք Ամենապատիվ Տ. Շնորհք արքեպիսկոպոս Գալուստյանը: Պատրիարք Հորը դիմավորեցին Մայր Աթոռի միաբանները:

* * *

Սեպտեմբերի 20-ին, շաբաթ.—Այսօր Օշականի Ս. Մեսրոպ Մաշտոց եկեղեցում ս. պատարագ մատուցեց ուխտավորաբար Մայր Աթոռում գտնվող Տ. Մեսրոպ ծ. վրդ. Մուրաֆյանը և «Հայր մեր»-ից առաջ հավուր պատշաճի քարոզ խոսեց:

Ս. պատարագին ներկա էին Կ. Պոլսի Հայոց Պատրիարք Ամենապատիվ Տ. Շնորհք արքեպիսկոպոս Գալուստյանը, ինչպես նաև Կ. Պոլսից ժամանած բազմաթիվ հայ ուխտավորներ:

* * *

Սեպտեմբերի 27-ին, շաբաթ.—Սրբոյ Գեորգայ քաջամարտիկ պորավարին, Աղոկտոսի և Ռոմանոսի երգեցողին:

Այսօր Երևանի Ս. Գևորգ եկեղեցում հանդիսավոր ս. պատարագ մատուցեց ուխտավորաբար Մայր Աթոռում գտնվող Եփեսոսի հայոց թեմի առաջնորդ գերաշնորհ Տ. Զավեն արքեպիսկոպոս Չինչիկյանը:

«Հայր մեր»-ից առաջ պատարագից սրբազան հայրը քարոզ խոսեց՝ «Լցված լի սիրով և հարստացած ամենայն բարի գործերով» բնաբանով:

Իր խոսքի մեջ Տ. Զավեն սրբազանը առաջ, որ հաջորդ օրը, կիրակի, նշվելու է Ամենայն Հայոց Վեհափառ Հայրապետի գահակալության երեսունեկերորդ տարեդարձը: Այս բարեբաժնիկ առիթով, պատարագից սրբազանը մաղթանքներ արեց Վեհափառ Հայրապետի առողջության և կենաց արևշատության համար: Ապա բացատրեց Տեղումի տոների իմաստը, որոնք կոչվում են Տաղավար: Առաջինը՝ Քրիստոսի հաշտությունը և յարմարությունը, առաջ սրբազան հայրը, բերում են մարդկությանը խաղաղություն. մարդիկ եղբայրանում են, որդեգրվելով Աստծու կողմից: Ընդունելով որդեգրության պատիվը, ժառանգորդ են լինում հավիտենական կյանքի: Քրիստոսի հարությանը, մարդիկ մեղքերից ազատվելով՝ երաջխավորվում են փրկությանը:

Անուշեռն սրբազան հայրը հավատացյալներին բացատրություններ տվեց Այսպեկության, Սուրբ Կույս Մարիամի և յոթ տոների, ինչպես նաև Ս. Խաչի չորս տոների մասին՝ ասելով, որ հաջորդ օրը, կիրակի, Հայաստանից բոլոր եկեղեցիներում հանդիսադրվելու է Վարագա Ս. Խաչի տոնը: Մինչ խաչի երեք տոները՝ Երևան, Վերացման, Գլուխ Խաչի, տոնվում են քրիստոնյա բոլոր եկեղեցիներում, ապա Վարագա Ս. Խաչի տոնը հատուկ է միայն Հայ եկեղեցուն:

Ապա պատարագից սրբազան հայրը իր քարոզի մեջ անդրադարձավ օրվա տոնի իմաստին, ներկայացնելով Գևորգ քաջամարտիկ պորավարի և նրա ընկերների՝ Քրիստոսի եկեղեցու համար նահատակության պատմությունը, որը օրինակ կարող է ծառայել ամեն մի քրիստոնյայի համար: Քարոզի վերջում պատարագից սրբազանը հավատացյալներին մաղթեց, որ լցվեն Աստվածային սիրով և Սուրբ Հոգու շնորհներով պատկավորվեն և իրենց առաքիություններով փառավորեն Ամենասուրբ Երրորդությանը:

* * *

Սեպտեմբերի 30-ին, երեքշաբթի.—Այսօր, երեկոյան ժամը 20.30-ին, ճեմարանի հանդիսությունների դադարեցում տեղի ունեցավ հանդիպում Կ. Պոլսի Ամենապատիվ Պատրիարք Տ. Շնորհք արքեպիսկոպոս Գալուստյանի և ուսանողության միջև:

Հանդիպման ընթացքում Ամենապատիվ Սրբազան Հայրը հանգամանորեն խոսեց Ս. Մկրտության խորհրդի մասին: Վերջում Ամենապատիվ Սրբազան Պատրիարքը սիրով պատասխանեց ուսանողների հարցերին: